

芥子園畫傳

卷下

行素齋雜記卷下

軍機章京每日蒙

賜克食年終例拜麇鹿之

賞戊戌

皇太后訓政後三節暨

皇太后萬壽均

頒賞章京綢緞除夕恭詣

皇極殿行辭歲禮蒙

賞荷囊銀鏤皆異數也

軍機處例差曰頒賞曰秋審曰永遠加恩曰新正加恩

曰繳硃筆頒賞者朝鮮各國使臣來京若

賜筵宴則查開歷屆應

賞物件呈

覽秋審者刑部按期呈進秋審黃冊備文知照軍機處  
可矜者分別擬繕或勾或緩

諭旨先期呈

御俟勾到本上時

欽定發下永遠加恩者一年中如奉有永遠蠲豁錢糧  
加廣中額等

恩命繕錄於冊進



御畱覽新正加恩者各省遇有災荒來年應行接濟者  
繕擬

恩旨於新正初二初四等日呈遞候

施行繳硃筆者中外各衙門奉有

硃批摺件封送軍機處代繳年終開列件數呈

覽並將

硃批摺交內庫各差於每歲八月中分派章京司之

軍機章京每日住班二人有老班公小班公之目老班

公專掌交發事件小班公掌登寫隨手記載暨接遞

諭旨等事次早堂上閱看摺件時其已奉

硃批及擬請批者小班公掌之有當入對請

旨者曰見面摺則掌諸老班公開具略節送堂以備遺  
忘謂之面單

凡明發寄信交片各

諭旨達拉密屬某人擬草則某人擬妥自行送堂明發  
廷寄草只送交堂上卽退下若交片及遇有放缺派差

開單須以次送閱訖帶下

帶上帶下乃  
軍機處語

舊制軍機處蘇拉皆十五歲以上不識字者充之近則  
頭童齒豁尙供奔走且無不識字者紙匠亦然此亦王  
弇州觚不觚之謂也

軍機處蘇拉向選內務府三旗幼丁充之故當時戲呼之爲小么語見嘯亭雜錄

南皮張文達公工畫山水筆致超逸遠不讓雲林近亦不亞鹿牀居士年居八旬有以便面索畫者輒欣然應之書法亦秀潔如所謂美女簪花格不露一毫老態足爲壽徵

戴文節公學術湛深畫筆高雅重以忠義炳然尤爲一時所貴遺集有尙書沿革表一卷書三考四卷習苦齋詩文集十二卷畫絮十卷古泉叢話四卷習苦齋筆記一卷文孫青來太史兆春能世其家學以畫聞於時

行素齋新言 卷下  
光緒丁丑同懷昆弟同捷南宮者貴州陳崑山吏部燦  
桂山戶部馨湖北張次珊太史仲忻春叔工部叔煥若  
福建何肖雅吏部剛德錫侯刑部晉德則嫡堂兄弟也  
世祖御製勸善要言一書光緒十七年

上特飭繙書房加譯漢文交武英殿刊印呈

覽並每省頒發一部照式刊發各屬學宮每月朔望日  
同

聖諭廣訓一體宣講

孫子瀟學士原湘嘉慶乙卯以第二人舉於鄉迨乙丑  
復捷南宮第二



殿試亦列二甲二名大興舒鐵雲孝廉因有臣無第三  
亦復無第一之作事奇詩亦奇

繙譯鄉會向無重赴鹿鳴恩榮宴成案光緒五年禮部  
奏稱致仕大學士英桂道光元年辛巳繙譯鄉試中式  
可否歸入己卯正科重赴鹿鳴得

旨允行

近二十年以來浙江葛品蓮河南王樹汶江甯三牌樓  
雲南報銷各案大小官僚獲譴者多人皆大獄也

江蘇陳六舟宗丞彝同治壬戌以二甲一名登第其先  
人資政公嘉樹亦係道光壬午科傳臚橋梓衣鉢相傳



可謂世能濟美

江蘇廖雲初文錦由嘉慶辛未翰林出守河南衛輝府  
子椅城太守維勳亦由道光癸巳翰林出守貴州貴陽  
孫穀似中丞壽豐復以同治辛未翰林官至浙江巡撫  
仲山宗伯壽恆又係同治癸亥翰林現官尙書匪特一  
門科第聯綿翱翔詞苑且父子俱仕至太守孫枝雙秀  
一時同居峻秩洵搢紳盛事

直隸滿城李氏自其先人漢章公樂善不倦大吏題請  
建坊入祀鄉賢祠其家挺生煥若馥遠三公祖孫父子  
相繼世多善行均得祀鄉賢遐邇稱爲四代善人家

光緒乙亥順天鄉試江蘇陳氏名珍名侃同胞兄弟同榜中式名典與族叔熾唐是科同登本省賢書雲南吳氏兄燾中順天正榜弟炳中副車而嫡堂兄弟煜灼亦是科登本省正副榜族兄紹泗復同榜中式福建何氏咸德中是科解元兄晉德姪暉亦同榜中式皆稱一時之盛

予堂伯祖誠齋光祿公達三任粵海樞使時於衙中構高閣正當海印石之北可以遠眺儀徵阮文達督粵時名之曰海印閣書額懸之並紀以詩云珠江雨後復炎蒸傑閣初成快共登窗納白雲山一角帆收黃浦浪千

層頓除豪氣涼停扇爲看禪光暮卻鐙高倚闌干提海  
印蓮花池外問南能

富察福文襄以異姓封貝子晉封郡王子若孫復兩代  
襲封貝子爲

本朝所僅有其曾孫文六階謙降襲一等入八分鎮國  
公詔命內誤書世襲罔替光緒五年出缺經本旗再請  
襲封時查悉其誤始奏明更正以入八分輔國公降襲  
一代再以不入八分公世襲罔替嗣六階上公子海齡  
襲爵未一年而歿今其弟海年襲焉

直隸熱河道缺向係由部開列滿蒙御史部員京察一

等記名者相間帶領引

見除授光緒辛巳敕匪倡亂後部議整頓吏治改爲由直督揀選實缺道員請

旨調補

甘肅平慶涇固化道向由部選或外補嗣經定爲請

旨簡放一次由部擬選一次外補之例遂廢

忠武公塔齊布壯武公烏蘭泰征剿粵匪威名震一時  
後皆歿於王事忠烈尤足不朽二公皆隸外火器營烏  
公參旗務時手訂營規極其整肅至今猶奉行之洵入  
旗名將也



甄別屬員之例各直省行之部院多未聞惟張幼樵佩  
綸署副憲參劾御史數人閻文介公長戶部劾罷曹郎  
數人當時不免嚴厲之誚蓋所謂一家哭者歟

左文襄公肅清關隴勛高望重中外咸欽比入覲

九重

召對之下舉止不覺失常孔雀翎搖顫不已

天威咫尺洵非虛語也

彭剛直公善畫梅先芝田伯任江南尙衣曾索其一幀  
先伯捐館舍收藏書畫均散佚此幀已不存只依稀記  
得題詩有十分春色夢江南句耳聞剛直每畫梅必題

一詩絕句居多此幀亦七絕一首

慈禧皇太后頤養之餘怡情繪事歲時  
賞賜王大臣莫不什襲珍藏寶如拱璧  
多能天縱正不獨

懿德懋昭足駕太姒徽音而上之也

歷年恭遇

郊壇大祀

皇上親詣行禮是日皆天宇清和從無風雨有時禱雨  
祈晴無不立應如響具徵

黼展誠虔

行夷彙纂言 卷一  
昊蒼默佑宜其感召之理昭然不爽爾

乾隆時平定金川苗疆道光時平定回部張格爾均繪有戰圖刊板摹搨

頒賞中外大臣光緒十四年以粵捻甘回各匪平定敕繪戰圖數十幅以彰武功之盛猶之

先朝意也

光緒十三年御史劉綸襄疏請添設江南鄉試副考官一員部議駁之按雍正元年湖北湖南分爲兩闈光緒元年陝甘亦分兩闈皆屬因時制宜況江南安徽上下江夙稱人文淵藪每科應試者不下二萬人似以分闈

爲是將終有議改日耳

國朝謚文達者河閒紀曉嵐尙書昀江西裘叔度尙書  
曰修儀徵阮雲臺太傅元爲最著嗣是武陟毛旭初尙  
書昶熙滿洲文星巖相國煜南皮張子青相國之萬皆  
賜謚文達爲一時所僅見

項城袁筱鵬侍郎保恆爲端敏公總憲令嗣當光緒四  
年豫省荒旱奇災奉

命回籍辦理賑撫殫竭心力勞瘁成疾遂不起

溫詔優卹特謚文誠易名之典亦

國朝所不多見者也予乙亥科覆試蒙公列置一等因



執弟子禮輒以聯云民望慰雲霓從茲四野歸耕公若有靈應瞑目儒林重山斗最是一時仰止士惟知己倍傷心

宛平楊氏俗呼爲楊裁縫家聞其祖業衣工出入和公坤第和敗有妾攜私蓄遁於楊楊代爲營屋以居養贍終其身併爲之料檢喪葬一毫不以自私且始終尊以禮後楊氏子孫登甲乙科入仕籍至今綿延不絕謂非厚德之報哉

江蘇陸鳳石閣學尊人精岐黃閣學及第後其尊人猶以醫應人之招徒步往來不少吝或勸其輟醫輒曰吾